

Oratores fuerint principum, qui audiri velint, auscultare. *Praeconsultoribus* tamen peculiare: ut semestrem magistratum gerant: Singulis diebus privatorum causis, atque oratorum principum auditis petitionibus, in conclave consultaturi de negotiis publicis secedant, hoc servato ordine: *Praefectus septimanæ* (nam per vices singulis hebdomadibus quilibet præ cæteris agendorum curam habet) rem proponit de qua Consilium sit adeundum, singulosque sententiam rogat. Primæ classis consultores, & ex iis qui proximis septem diebus præfuit, primo respondet; deinde maxime senex, atque inde cæteri, prout ætate præstiterint. Postremi autem ordinis Consultores silent, nisi de maritima re agatur. Ultimus omnium qui alias rogat, remque deliberandam proposuit, sententiam suam adserit. Re discussa, sive in eandem sententiam convenerint, sive in duas aut tres divisæ fuerint, Principem convenient & Consiliarios. Denuo re iterum tractata, omniumque sententiis recitatis, cui Princeps Consiliarii que adhæserint, scriptis mandatur. Postremo cogitur Senatus; coram quo quæ à Collegio *Praeconsultorum* deliberata fuerint, primum tractantur, eorumque sententiæ, quibus plures quam dimidia pars Senatorum fuerint suffragati, pro decreto habentur.

*De Scribis publicis, de que Magno Cancellario.* Singulis optimatum Collegiis, quæ Aristocratiæ in Republica Veneta repræsentare dicuntur, *Scriba Publici*, qui à secretis Senatus sunt, atque ex populi honestioribus censentur, publicisque decem-virum suffragiis eliguntur, assident. Hoc illis injuncto munere: Ut semper Collegii & Señatus consultationibus interficiunt: Nullum eos Senatus consultum lateat: Eorum fidei & solertiae codices scriptaque publica (quibus res omnis privata & publica continentur) commissa sint. Stipendio hinc gaudent ad id cuique è publico constituto non mediocri. Ex his rursum nonnulli feliguntur, qui decem-viris ministrant, eorumque acta in codices referunt, ac consciæ omnium sint, quæ in illo Collegio aguntur. Quo in honore perdurant quoad vixerint. Ex his demum Magni Consilii suffragiis unus feligitur, qui primas partes tenet, ac vulgo *il Gran Cancelliero* nominatur, id est, *Magnus Cancellarius Venetiarum*, & in maximo est honore & pretio: Nam Equestri dignitate insignitur: A quovis patricio ei loco ceditur, præterquam à Procuratoribus D. Marci: Nullum in Republica ignorat arcam: Magni sunt ei redditus ex ære publico constituti: Cumque diem obierit, funebri oratione honestatur: quæ dignitas nulli in Veneta civitate deferri consuevit præterquam Duci. Ita ut Cancellarius Ducem quasi ex populo referre videatur.

*De Consilio Magno.* Magnum Consilium ex universo civium constat conventu: ab eoque universa pendet Respublica. Collectum est autem ex solis patriciis Italia.

ordinis civibus, qui vigesimum excedentes annum, postea quam ab Advocatorio magistratu, nobili seu patria se ortos familia, non spurio, sed matrimonio legitimo natos duobus testibus fide dignis probaverint, patris insuper seu matris, aut iis orbat, proximioris consanguinei jurejurando vigesimum se excessisse annum docuerint, sortis beneficio jus suffragii ferendi in comitiis adipiscuntur. Vel quibus fors non faverit, ubi vigesimum quintum annum exegerint, tandem publicæ potestatis participes fiunt, atque in hunc nobilitatis cœtum admittuntur. Hujus munus est, Leges omnes quæ ad constitutionem Reipublicæ pertinent facire; quod interregni plerumque tempore fieri consuevit. Omnes item Magistratus, cum urbanos, tum exteros, seu eos qui foris jus habent publicæ potestatis, communibus suffragiis eligere.

Magistratus omnes sunt vel Urbani vel Exteri. *Urbani* pertinent ad Ius, tam in cognitione criminalium seu capitalium causarum, quam civilium: Administrationem publicarum pecuniarum, quæ vel ex publicis vestigalibus in ærarium conferuntur, vel, redditibus Reipublicæ impensis non sufficientibus, à civibus pro cujusque censu solvuntur, & in publicum inferuntur: Commodum & utilitatem civitatis, & ad bene beateque vivendum, ac decorum Reipublicæ. *Exteri* Magistratus spectant ad Gubernationem civitatum & oppidorum; aut classium & exercituum. Hisce non immerito addendi sunt Magistratus cæteri extra ordinem creari soliti: Syndici videlicet tres, Provvisor generalis Cretæ, &c. Cæterum omnibus hisce magistribus certum limitatumque tempus constitutum est. Sunt enim Urbani, vel semestres, vel octimestres, vel annales: Exteri continentis duplo longiores quam urbani: Maritimi biennales, aliqui triennales: Classium quinquennales.

Ius bifarium divisum est; in cognitione scilicet criminalium seu capitalium causarum, itemque civilium. Quocirca inter Magistratus urbanos duo sunt genera Iudicium: alii enim forensibus causis præfecti sunt; alii criminalibus sive rerum capitalium judiciis præsunt. Forensibus causis præfecti, sunt etiam duum generum: Iudices primæ instantiae: Iudices apellationis. Iudices primæ instantiae in plura divisæ sunt subsellia. Prima Iudicium Proprietatum, qui de litibus quæ ad ædes sive fundos intra fines Venetiarum positos, id est, in astuariis existentes, pertinent, cognoscunt & dijudicant: quos item adeunt viduæ dotes ab heredibus maritorum defunctorum repetentes. Secunda Iudicium Procuratorum. hi si de fundis continentis oræ controversia sit, judicant, & de pupillorum causis, deque dote assecuranda iudicium dicunt. Tertia Iudicium seu Consulum Mercatorum. qui si de mercimoniis quæstio in-

*De Magistris in genere.*

*De Iudicibus urbanis causarum civilium primæ instantiae.*